



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiæ Imperialis S. Maximini

Zyllesius, Nicolaus

Treveris, 1638

§ IV. Insignis sub & obreptio istius Rescripti deducitur.

urn:nbn:de:hbz:466:1-14268

Primo, quia id, quod tum hic exhibetur, tum alibi, in litibus & conferentijs exhibitum fuit, non nisi exemplum, nescio unde extractum & exemplatum est. Cuius originale, nunquam etiam ad instantiam nostram ostendi potuit & de iure quidem eiusmodi Exempla, ut fidem mereantur, ex Originali, præiente vel citatâ parte, extrahi debere notum est & probatum supra Sect. 2. §. 4.

Secundò, fidem non meretur, quia diem non habet adiectum, quo fuit concessum, hoc autem Iura ad Rescripti valorem exigunt. *I. Si qua C. de diuersis Rescriptis. Si beneficia, inquit Imperator, personalia sine die & consule fuerint comprehensa, auctoritate careant.*

Tertiò, suspectum est, quia anni Dominicæ Incarnationis adiecti, cum annis Regni Conradi non conueniunt; nam cum anno MCXXXIX. mense Aprili, Confluentæ primum electus fuerit, teste Baronio *ad annum 1139.* & Aquisgrani Coronâ Regiâ donatus, qua ratione dici poterit idem annus fuisse secundus Regni illius, prout in fine Diplomatis positum est. Quæ suscipio vehementer ex omissione diei robatur & præsumptionem male fidei parit, atque adeò, quod studio dies omissus sit, ne forte ex appositione incurrerent exempli illius confessores in tempora, antequam Conrádus vel electus fuerit Rex, vel coronatus.

Sed quamvis, quod nec factum est, nec fieri posse arbitramur, Originale eiusmodi, quale fingitur, præfatum exemplum proferretur, illud tamen nullam omnino vim efficaciamque habere ex sequentibus ostendo.

§. III. Conradinum illud non esse sententiam.

ET in primis id, quod passim tantopere iactat & inculcat libelli Scriptor, fortissimè negamus illud esse sententiam; quod equidem aliâ demonstratione non eget, sed ex ipsâ prætensi illius Rescripti inspectione & lectione, cuique est evidens; quippe nulla inter Archiepiscopos Maximilianosque de Iure Monasterij cognitio, decisio, Iudicatio, nulla Monasterij defensio, Iurium illius & documentorum visio vel productio, vel unico verbo aut vestigio innuitur; nulla igitur ibi sententia.

Sed merum ac purum putum (præsupposita authenticatione) est Rescriptum, idque ad solam eamque instantem Alberonis Archiepiscopi postulationem impetratum, & ad illum solum directum. Quo rescripto, Conradus ex errore Alberonis narrationibus persuasus Abbatiam illam olim ad Archiepiscopos pertinuisse, ijsque per Imperatores iniustè creptam, ideoq; credens se ad eius restitutionem tencri, illam Alberoni se reddere ac restituere declarat; prout ex ipso Rescripto apparet. Ad quod etiam eum impulsum & adactum fuisse fauore & potentia Alberonis, & ex ipsis Rescripti verbis, ac aliunde constat.

Eiusmodi vero Rescriptum nullum esse ac nullius efficaciae, non modò quod ad tertium siue Maximilianos, quorum Ius semper reseruatum exceptumque intelligitur, sed & quoad ipsum concedentem Imperatorem & Imperium ex plurimis rationibus, ijsque evidentissimis conuincitur.

§. IV. Insignis sub & obreptio istius Rescripti deducitur.

E Normis sanè præfati Rescripti sub & obreptio, & quidem in punctis substantialibus clare deprehenditur.

Quia narravit primum Albero Monasterium S. Maximini olim pertinuisse ad Archiepiscopatum Treuirensim.

Dein-

Deinde verò iniustè ab eodem per Imperatores fuisse ablatum.

Quod vtrumque falsissimum fuit, cùm ex supra à nobis allegatis & probatis constet, nunquam Abbatiam pertinuisse ad Archiepiscopatum, consequenter nunquam potuisse illi per Imperatores iniustè eripi.

Item allegauit & retulit Albero, quod Archiepiscopi non cessauerint longis retro temporibus proclamationem de eādem Abbatia facere.

Sed cauit narrare, quod iſtis retro temporibus Archiepiscopi proclamatores, fuerint per sententiam Imperatorum in Iudicio contradictorio latam, ab illâ sua proclamatione repulsi & exclusi.

Vide lector amice sententiam Ottonis Magni sub Nu. 8. eam obsecro considera & perpende, videbis in illa penitus eadem contineri, & quæ tum adiudicata fuerunt, iterum modò ab Alberone fuisse recantata.

Respic hæc verba Ottonis M. Sed Venerabilis Treuerica Sedis Archiepiscopus Rothbertus aliorum, quos rei veritas latebat, adhortatus insinuētu, nostram (Super loco vel Abbatia Sancti Confessoris Christi Maximini) adiit Regalitatem, hanc iniustè sibi vel Ecclesia sua ablatam fuisse conquestus &c.

Eadem illa sunt, quæ in Conradinis ab Alberone in ipsis ijsdem terminis repetita cernuntur. Nam Spirensē quidem lit. V. notatum ita habet, Querelam dilecti nostri Alberonis, quam in presenti à nostrâ & in conspectu Principum sepe & multum deposita, inclinati eius precibus, ex consilio recepimus, scilicet de Abbatia S. Maximini quæ olim à B. Hildulpho de bonis Ecclesiæ Treuirense fundata, Regi apoteestate, ut erat querimonia Archiepiscopi, à p̄dicitâ Ecclesia est subtracta. tamenque &c.

Et in altero prætenso eiusdem Conradi Rescripto, litera C. signato hæc habentur: Quod à longis retro temporibus Treuerica Sedis Archiepiscopi non cessauerunt Prædecessoribus nostris Regibus & Imperatoribus proclamationem facere de Abbatia S. Maximini, quæ in fundo B. Petri constructa, & ad Episcopum iure proprietatis pertinens, iniustè inde ablatæ est.

Et infra, Nobis autem per Dei misericordem prouidentiam ad Regni Gubernationem sublimatis, fidemque ipsius Archiepiscopi (Alberonis scilicet, de illo enim loquitur) studium & labores circa nostram & Regni fidelitatem multis argumentis persentientibus, idem Archiepiscopus rediuiuam proclamationem magnis & assiduis allegationibus in vocalis Principum praesentauit.

Nunquid h̄c eadem recantatio est illorum quæ Rothbertus clamauerat? Certè ab illis ipsis idem per sententiam exclusus olim fuit.

Nam repeate, & vide sententiæ Ottonis Magni dispositionem: Nos tamen, inquit Imperator, lectis in presentia nostra eiusdemque Archiepiscopi Rothberti & aliorum fidelium nostrorum super eodem loco precedentium Regum privilegijs & decretis eam ab antiquissimis temporibus ad opus Monachorum constructum, nulli alijs Ecclesiæ vel sedi appendicem aut subiectum, sed semper sub Regie Tuitionis clypeo & patefactæ permanesse certissimâ ratione reperimus?

Denique vide Iuris Maximianiani adiudicationem: Idcirco interueni & roga tu Germani nostri Archiepiscopi Brunonis, & Conradi Duci, ne vel eadem privilegia talibus predicti Archiepiscopi Rothberti proclamationibus aut querelis infirmarentur, vel Abbas aut Monachi ibidemque Deo seruientes tali ulterius infestatione comprenderentur, idem Cenobium cum Abbatia sub nostrâ perpetualiter & omnium succedentium Regum defensione & potestate permansurum volumus.

Ac præterea nota, hanc dispositionem actionis Archiepiscopalnis exclusuam: Et prænotati Episcopi vel successorum suorum Episcoporum occasionis iniusta, super eo-

dem loco querelas, precepti nostri autoritate excludimus.

Ecce istarum querelarum, proclamationum, clamorum, expressissimam refutationem, reiectionem & per indicatum exclusionem. Cuius ne verbo quidem mentionem fecit Albero, sed sententiam adeò solemnem reticuit.

Atque ex hisce agnoscere quiuis evidenter potest, subreptionis huius enormitatem, atque adeò impetrationis manifestam nullitatem, & quam æquum fuerit ac sit, ut talis precator carere penitus debuerit impetratis, secundum notissimos Iuris textus. *I. penult. C. Si contra Ius vel utilit public. l. 4. eodem & l. vnt. uersa. C. de diversis Rescriptis.*

s. V. Eadem subreptio ex alijs rationibus ostenditur.

SVNT & alia plures ex quo graues Considerationes, è quibus prædicta ob: & subreptio manifestatur.

Primum, quia pro fundamento proclamationis suæ, rediuiuis clamoribus allegauit Albero, Diploma prætensum Dagoberti sub litt. A. Cuius invaliditatem & innumera, quibus infectum est vitia, supra Sect. 2. copiosè enumerauimus.

Secundò, Nomine Cellæ S. Hilarij in allegatis documentis nominata, decepit Imperatorem, ac persuasit illam esse, vel olim fuisse Abbatiam & Monasterium Sancti Maximini S. Ioanni Apostolo quondam à Sancto Agritio dedicatam. Quam splendidam imposturam & figmentum, supra Sect. citatâ detectam, reiecimus.

Tertiò, persuasit expresse & sine vllâ ambiguitatis nebulâ, contineri in præfato Dagobertino, quod dicta Cella S. Hilarij pertineret ad Episcopium Treuirense. Cum tamen Dagobertus illud solum post, & secundum narrationem & relationem B. Modoaldi Archiepiscopi enunciatiæ & narratiæ non dispositiæ (vti Albero persuadebat) ut in Rescriptis simpliciter confirmatorijs moris est, protulerit, neque de eo principaliter tractauerit, neque in illius pertinencia se fundauerit, ut ex ipso textu Dagobertini appareat, & supra Sect. 2. deduximus.

Quartò, quia allegauit Albero Diploma Caroli Regis Francorum, quo aliud anterius Pipini Regis Patris sui confirmatum fuisse asserebat, pro alio fundamento; sed illud non reproducitur ab Archiepiscopis, neque eiusdem quidquam Scriptor in libello ausus fuit insérere.

Quanquam illa tam Caroli Magni, quam Pipini Diplomata allegata, vel supposititia esse, vel de alio loco, quam de Monasterio & Abbatia Sancti Maximini loqui, nimis de Cella aliqua Hilarij, vel hinc probari potest, quia habemus Originalia eiusdem Pipini Regis & Caroli Magni Imperatoris, quæ sub Numero 3. & 4. repræsentantur, quibus expresse & dispositiæ decernuntur, ut Monasterium, ubi S. Maximinus Dei præsul est Corpore sepultus, in suburbio Treuiris constructum, in honorem S. Ioannis Evangelistæ dicatum, eiusdemque Abbas, tam præsens, quam qui postillum futurus est, cum Monachis & Abbatia sub Regum mundiburdio in sœcula maneat, & nulli alijs subiecti sint vel obnoxij, exceptis Regibus.

Quintò, quia Albero, ut appetet ex Couradino Rescripto, non modò mentionem non fecit sententiæ Ottonis M. sed neque prædictorum aliorumque omnium Diplomatū & Decretorum quæ à Regibus & Imperatoribus plurimi habemus, & partim hic exhibemus, atque adeò de Maximilianorum Iuribus cantic vel verbum proferre.

Sexto,